



Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

Capvt V. De altero gratiæ effectu, seu de merito.

urn:nbn:de:hbz:466:1-38954

CAPVT V.

De altero gratiae effectu, seu de merito.

SECTIO I.

An posset homo aliquid à Deo mereri.

Obseruandum est nos hīc non sumere nomen meriti latē, prout etiam aliquando in malam partem accipitur, vt 2. Paralip. c. 19. *Iram Domini merebaris;* sed stricte & propriè, prout significat actionem libertam honestam & bonam, quæ mercede aliquā & præmio digna est, qua in significatione dicitur Eccli. 16. *Omnis misericordia faciet locum r̄nicuique, secundūmeritum operum suorum.* Hac obseruatione supposita, pro quæstionis proposita resolutione

Dicendum hominem posse verè & propriè aliquid à Deo mereri. Est de fide contra Caluinum & eius asseclas, qui nomen meriti communiter reiiciunt tanquam diuinæ gratiæ ac misericordiæ iniuriosum, ac superbiam & præsumptionem redolens: verūm quām falso id dicant, & vt potius desidiae suæ ac socordiæ, quām vt Dei gloriæ confulant, ex ijs, quæ mox dicemus, patebit. Nōtra igitur assertionis veritas

Probatur 1. ex pluribus scripturæ locis, in quibus mention fit mercedis Deo iustis reddendæ propter bona illorum opera, vt S. Matth. 5. *Cum persecuti vos fuerint, &c. propter me: gaudete, & exultate, quoniam merces vestra copiosa est in caelis:* 1. Cor. 3. *Vnusquisque propriam mercedem accipiet secundū laborem suum.*

Probatur 2. ex Conc. Arauſ. can. 18. *Debetur merces bonis operibus, si siant: sed gratia, quæ non debetur, præcedit, ut siant:* & ex Conc. Trid. scilicet 6. cap. 16. *Bene operantibus usque in finem*

T 5

in finem, & in Deo sperantibus proponenda est vita aeterna, & sanguinem gratia filii Dei per Christum Iesum misericorditer promissa, & tanquam mercede ex ipsis Dei promissione bonis ipsorum operibus, & meritis fideliter reddenda.

Probatur 3. ex SS. Patribus, qui unanimi consensu homines iustorum operibus merendi vim inesse docent; vt S. Cypr. lib. de unitate Ecclesiae post medium, *Iustitia*, inquit, opus est, ut promereri quis posset Deum; praeceptis eius ac mortuam obtemperandum est, ut acceperint merita nostra mercedem. S. Aug. epist. 105. Nullaque, inquit, sunt merita iustorum; sunt planè, quia iusti sunt; sed ut iusti fuerint, merita non fuerunt.

Obijcies 1. S. Luc. c. 17. *Cum feceritis omnia, qua praepara sunt vobis, dicite: Seruit inutiles sumus.* Resp. nos esse seruos inutiles (vt explicat S. Ambr. lib. 8. in S. Luc.) si consideremus id, quod se. iimus, prout a nobis tantum est; sed non vt est a Christo, in nobis per gratiam suam operante: vel vt explicat Beda in hunc locum, nos esse seruos inutiles respectu Dei; cum nihil illi utilitatis accedit ex operibus nostris, quamvis per eius misericordiam, & gratiam opera illa bona nobis sint valde utilia, & proficia.

Obijcies 2. ex Is. 64. *Falli sunus ut iramundui omnes nos, & quasi pannus menstruata vniuersa iustitia nostra.* Resp. Prophetam illic loqui, non in persona iustorum; sed iudicorum, qui, cum peccatis iranima sordecerent, merito dicere poterant iusticias suas, id est legis externas observationes, immundas esse, & sordidas in conspectu

Dei; cum (vt Christus dixit) quæ de corde excent, ea sint, quæ coinquiscent hominem. Ita hunc locum explicat S. Hier. commentarijs in illud Prophetæ caput.

S (o) S

SE

SECTIO II.

An meritum rectè dividatur in meritum de condigno, & meritum de congruo.

Per meritum de condigno intelligent Theologí meritum illud, quod mercede ac præmio ex se dignum est, & cuī proinde ex quadam iustitia debetur merces ac præmium: per meritum autem de congruo illud, quod quamvis mercede non sit ex se dignum, illi tamen ex decentia quadam & congruitate debetur. Hac observatione supposita

Dicendum 1. iustos posse de condigno aliquid à Deo mereri.

Probatur 1. ex ijs scripturæ locis, in quibus dicitur iustos per bona opera fieri dignos præmio & remuneratiōne; Sap. 3. Deus tentauit eos, & inuenit illos dignos se: Luct. 10. Dignus est operarius mercede sua. Apoc. 3. Ambulabunt mecum in albis, quia digni sunt. Item ex ijs, in quibus dicitur Deum bonis iustorum operibus reddere mercedem ex quadam iustitia: S. Mat. 20. Quod iustum fuerit, dabo vobis Hebr. 6. Non enim miserrimus Deus, ut oblitus statur operis vestris; 2. ad Timoth. 4. Bonum certamen certauit, Ecce. In reliquo repertis est mihi corona iustitia, quam redder mihi Dominus in illa die iustus iudex: non solum autem mihi, sed & ijs, qui diligunt aduentum eotius: qua Apostoli verba. Conc. Trid. supra de mercede bonis iustorum operibus debitā & à Deo reddendā explicat.

Probatur 2. ex SS. Patribus, qui passim Deum erga iustos debitorem esse dicunt, vt S. Cypr. lib. de eleemosyna; Praeterea, inquit, acclivina res, salutaris operatio, quae promeretur Christum iudicem, & Deum computat debitorem: S. Ambr. lib. 7. in S. Luc. Reddes ergo, Domine, quod debes; beatit, quibus es debitor: S. Hier. ep. ad Heluidiam c. 1. Quantitate beatitudo pro paruis magna recipere, & Deum habere debitorem: & S. Aug. serm. 16. de verbis Apost. Possimus ita De-

um alloqui tanquam debitorem, eisque dicere: Redde, quod primitisti, quia fecimus, quod invisisti.

Obijcies, inter Deum & creaturam nullam esse posse iustitiam, neque Deum posse inquam debitorem vel creature fieri. Resp. hoc verissimum esse, si creatura primitus secundum se consideretur: non item, si quatenus homo iustus, est membrum viuum Christi Domini, & ex eius merito ac virtute operatus & quamvis etiam ea ratione inter Dominum & hominem non possit esse iustitia strictè sumpta, est tamen inter vitrumque vera aliqua ratio iustitiae latè sumpta, qualis est inter Patrem & Filium, dominum & seruum.

Dicendum 2. dari etiam meritum de congruo.

Probatur ex ijs scripturæ locis, in quibus, aliquid à Deo peccatoribus dari dicitur intuitu aliorum bonorum operum, ut Exod. 1. refertur de obstetricibus Aegyptiorum, & Act. 10. de Coriole Centurione. Ceterum et autem peccatores nihil à Deo posse de condigno mereri, ut seq. seq. dicetur, unde sequitur meritum illorum est tantum de congruo.

SECTIO III.

Quenam conditiones requirantur ad meritum ex parte illius, qui meretur.

Questio intelligenda est de merito condigno, quod propriè & simpliciter meritum dicitur, & pro illius resolutione.

Dicendum est, duas potissimum conditions requiri ex parte illius, qui meretur; prima est, ut sit in statu gratia sanctificantis: secunda, ut sit in statu vis. Ita communiter omnes.

Prima conditionis necessitas probatur i. ex scriptura: S. Ioann 15. Sicut palma non potest ferre fructum a semetipso, nisi manserit in vite: sic nec vos, nisi in me manseritis: & i. Cor. 13. Si distribuere in cibos pauperum omnes facilitates

mero

meat, &c. charitatem autem non habuero, nihil mihi prodest.
Probatur 2. ex Conc. Trid. sess. 6. cap. 16. vbi meri-
tum dicitur esse fructum iustificationis, diciturque si-
ne unione cum Christo, ac virtute, quam in iustificatos
influit, bona illorum opera meritoria esse non posse.

Probatur 3. ex S. Greg. lib. 2. moral. c. 8. vbi dicit,
quod non Abel ex muneribus, sed ex Abel munera oblata pla-
uerunt; quasi dicat Deum prius intueri personam quam
munera, & opera eius, illaque ipsi accepta esse non pos-
se, nisi persona offerentis vel operantis ipsi grata & ac-
cepta sit.

Secundæ conditionis necessitas constat 1. ex scriptura :
S. Ioann. 9. Venit nox (mortis tempus scilicet) quando nemo
potest operari : Galat. 6. Dum tempus habemus, operemur bo-
num : Eccles. 11. In quocumque loco occiderit (lignum) ibi erit.
Deinde ex S. Hier. in cap. 6. 1. ad Cor. Tempus, inquit,
sementum, est vita præsens, quam currimus; cum vita ista trans-
ierit, operandi tempus auferitur : Et S. August. in Enchir. c.
110. Nemo, inquit, speret, quod hic neglexerit, cum obicerit, a-
pud Deum promereri.

Ratio autem huius conditionis alia non est, quam ipsius
Dei voluntas, qui constituit, ut merita omnia morte
finirentur; alias si ita voluisset, beati etiam in cœlo me-
teri potuissent, cum status beatitudinis merito non re-
pugnet, ut palet in Christo Domino.

SECTIO IV.

*Quanam conditiones requirantur ex par-
te actus meritorij.*

DVX sunt præsertim conditiones, quæ ex parte actus
requiruntur ad hoc, ut sit meritorius; prima est, ut
sit liber non tantum à coactione, sed etiam à necessi-
tate. Huius conditionis necessitas

Probatur 1. ex scriptura : Eccl. 31. vbi de homine iu-
ste bene operante hoc dicuntur : Qui probatus est in illo, &
perfe-

perfectus est, erit illigloria eterna; qui potuit transgredi, & non est transgressus; facere mala, & non fecit: ideo stabilita sunt bona illius in Domino: & 2. Cor. 9. vbi Apostolus loquens de eleemosyna, ad quain fideleshortabatur, uniusque prout destinauit in corde suo, non ex tristitia, aut ex necessitate.

Probatur 2. ex SS. Patribus, qui unanimiter hanc in bonis operibus conditionem requirunt, ut S. Iustin. martyr. ap. log. 1. circa medium, vbi de bonis iustorum operibus loquens, Neque enim, inquit, quidquam horum laude dignum esset, nisi utramque in partem conuertere, & quae si sicut possent: S. Iren. lib. 4. c. 11. Qui operantur bonum, gloriam & honorem percipient, quoniam operari sunt bonum, cum possent illud non operari: S. Hier. lib. 2. cont. Iouin. Liberi arbitrij nos condidit Deus, nec ad virtutes, nec ad vitia necessitate trahimur, alioquin ubi necessitas, nec corona, nec damnatio est; quam illius sententiam referens & approbans S. Aug. lib. de nat. & grat. c. 5. Quia, inquit, non agnoscat, quis non toto corde suo ipsius, quia taliter conditam humanam negat esse naturam; sed in recte faciendo ideo nullum est vinculum necessitatis, quia libertas est charitatis: S. Bernard. lib. de grat. & lib. arb. non longe post initium, Vbi necessitas, inquit; ibi libertas non est, nec meritum.

Probatur 3. ex eo, quod ad demeritum seu peccatum requiritur, ut peccantis voluntas libera sit non solum a coactione, sed etiam a necessitate; ergo a contrario ad meritum bene operantis voluntas nullam in agendo non modo coactionem, sed etiam necessitatem pati debet. Consequentia patet, cum utroque sit par ratio: antecedens probatur ex S. Aug. lib. de diabus animabus c. 11. vbi dieit, neminem vituperatione supplicione dignum esse, qui id non faciat, quod sacre non potest (additque) nonne ista cantant, & in montibus pastores, & in theatris Poetae, & in docti in circulis, & docti in bibliothecis, & magistri in scholis, & assistentes in sacris locis: & in orbe terrarum genus humanum & in lib. de lib. arb. cap. 18. Quis enim peccat in eo, quod nullo modo caueri potest; peccetur autem, caueri igitur potest.

Se

Secundā conditio requisita ex parte ipsius actus ad hoc, ut sit meritorius, est, ut sit bonus & honestus, tam ex parte obiecti, quā finis & aliarum circumstantiarum; id est, ut actus ille habeat obiectum bonum, & honestum, & fiat propter finem bonum ac Deo gratum, ac in ipsum Deum vel actualiter vel saltem virtualiter referatur, nec viliā prauā circumstantiā vitetur.

Huius conditionis necessitas constat ex eo, quod in scripturis retributio, merces, & corona promittuntur tantum operibus bonis: id etiam expresse habetur in Conc. Trid. fess. 6. cap. 16. & can. 31. & 32. vnde S. Aug. lib. de grat. & lib. arb. cap. 6. *Quae mala sunt, inquit, non coronat Deus.* Quod autem opera illa bona nullā malā circumstantiā vitari debant, patet ex eo, quod, si aliquā tali circumstantiā vitarentur, desinenter esse bona & honesta, cum iuxta commune Philosophorum axiomā, bonum sit ex integra causa, malum ex quoconque defetur, quod fusius explicabitur in tract. de actib. hum.

Addunt aliqui Doctores tertiam conditionem ex parte ipsius actus ad hoc, ut sit meritorius, nimirum ut à charitate sit elicitus, aut saltem imperatus. Quamuis autem verum sit actus illos, qui à charitate elicuntur vel imponuntur, esse maxime meritorios praactibus aliarum quamcumque virtutum; nihilominus distinam largitatem ac benitatem magis commendat sententia illorum, qui existimant conditionem hanc, sicut optimani, minime tamen esse necessariam ad meritum; quam proinde ut probabiliorem amplectimur, asserimusque cuius oportet bono & honesto hominis iusti, quamvis non elicitur ex motu vel imperio charitatis, inesse veram & propriam rationem meriti, dummodo conditions omnes supra explicatae illi adsint.

Probatur haec sententia 1. ex ijs omnibus scripturæ, & SS. Patrum testimonij, quæ propè innumera sunt, in quibus excitantur, & inuitantur homines ad opera misericordiæ aliarumque virtutum exercenda, nullā facta mentione, quod ex motu vel imperio charitatis fieri debe-

debeant; asseriturque bonis illis operibus reddendam
etiam à Deo mereudem.

Probatur 2. ex Conc. Trid. sess. 6. cap. 16. vbi postquam dixit, Christum Dominum in iustificatos iugiter influere virtutem (id est gratiam actualē) quæ bona eorum opera semper antecedit, & comitatur, & subsequitur, addit postea, nihil amplius deesse ipsis iustificatis, quo minus plenè operibus illis, quæ in Deo (hoc est in statu gratiæ habitualis sanctificantis seu charitatis, per quam Deo unimur, & in ipso manemus) sunt facta, diuinæ legi satis fecisse, & eternam vitam verè promeruisse censemur.

Ex quibus Concilij verbis constat, bonis operibus, quæ per gratiæ actualis auxilium, & in statu gratiæ sanctificantis sunt, nihil deesse quo minus sint meritoria: at qui talia sunt opera bona iustorum, quæ conditions supra explicatas habent; sunt enim in statu gratiæ sanctificantis, ut supponimus; sunt etiam per auxilium gratiæ actualis, ut capite 1. docuimus: ergo talia opera sunt meritoria, nec ulterius requiritur, ut a charitate eliciantur, aut imperentur.

Confirmari potest eadem sententia ex can. 24. eiusdem sess. vbi anathema profertur in eum, qui dixerit, *Iustitiam acceptam non conservari, atque etiam augeri coram Deo per bona opera;* vbi duo aduertenda sunt: primum est, iustitiam seu gratiam sanctificantem augeri per bona opera non physice, sed tantum meritorie (vt supra diximus) ac proinde, quando Concilium dicit iustitiam, seu gratiam augeri per bona opera, idem esse ac si diceret, hominem iustum per bona opera, ipsius iustitiae & gratiæ augmentum promereri: secundum est, Concilium loqui de quibuscumque operibus bonis indistincte, & indefinite (vt recte obseruauit B. Franc. Salesi in tractatu diuini amoris lib. 3. c. 2.) vnde (vt ibidem monet) vbi nihil excipit, nihil distinguendum est; proindeque ipsius Concilij verba intelligi debent de quibuscumque iustorum operibus, dummodo ex omni parte bona sint, qualia sunt illa, quæ supra distas conditiones habent,

quaq;

quæq; haud dubiè iuxta Concilij sunt verè meritoria.
Probatur 3. hâc ratione ductâ ex suprà relatis Concilij
verbis: ijsdem operibus' potest homo iustus mereri, qui-
bus potest digna legi satisfacere: atqui potest homo iu-
stus diuina legi satisfacere per opera moraliter bona,
etiam si non fiant ex motiuo, vel imperio charitatis:
quis enim dixerit hominem iustum, v. gr. eleemosynam
grauiter aut extremè indigenti erogantem ex motiuo
obedientiaz, quia Deus sic fieri præcepit, non satisfacere
diuino præcepto, quo eleemosyna in tali casu facienda
præscribitur: ergo, si per illud opus moraliter bonum di-
uinæ legi satisfacit, quamuis illud non eliciat ex motiuo
vel imperio charitatis, per idem opus bonum etiam
mereri poterit.

Quare, an præter supradictas conditiones tam ex
parte operantis quam ex parte operis, requiratur insu-
per paclum, vel promissio ex parte ipsius Dei. Resp. affir-
matiue cum S. Doctore q. 114. a. 1. ad 3. vbi dicit actionem
nostram non habere rationem meriti, nisi ex præsupposi-
tione diuinæ ordinationis: & constat ex scriptura, in qua
bonorum operum merces dicitur reddi ex promissione
Dei; S. Iacob. 1. Cum probatus fuerit, accipiet coronam vite,
quam reprobavit Deus diligentibus se: & ex S. August. in
Ps. 86. debitorem, inquit, Dominus ipse fecit se, non acci-
piendo, sed promittendo. Accedit & hæc ratio, quia redden-
ti acceptum non debetur merces, nisi ex promissione re-
munerantis: atqui quando aliquis bonum operatur, Dco
redit, quod ab illo accepit; vnde Cœlestinus Tapa in
epist. ad Episcopos Galliz, Tanta est, inquit, bonitas Dc*e*
erga homines, ut nostra velit esse merita, quæ sunt ipsius dona.

Ex dictis colliges, quinque conditiones requiri ad hoc,
ut opus aliquod sit de condigno meritorium: prima est,
ut sit, qui meretur, sit in statu viri: secunda, ut sit in statu
gratiae sanctificantis: tertia, ut liber sit ab omni coacti-
one & necessitate: quarta, ut opus, quod exercet, sit o-
muni ex parte bonum & honestum: quinta denique, ut
interce-

Intercedat pacatum, & promissio ex parte ipsius Dei de mercede pro huiusmodi opere bono restituenda. Ad hoc autem ut opus sit meritorum de congruo, secunda & quinta conditio minimè requiruntur, sed sufficit status viae, libertas operantis, ac bonitas & honestas operis.

SECTIO V.

Quoniam res cadant sub meritum.

Questio intelligenda est de rebus illis, quas quis sibi mereri potest: de ijs enim, quas alteri potest mereri, agetur sect. 7. Et pro illius resolutione

Dicendum 1. neminem de condigno, vel de congruo posse sibi primam gratiam actualē promereri. Hac veritas, quæ de fide est, constat tum ex scriptura, 2. Timoth. 1. Vocavit nos vocazione suâ sanctâ, non secundum opera nostra, sed secundum propositum suum, & gratiam. Tum ex Concil. Trid. fest. 6. cap. 5. vbi dicit, *Institutionis exordium in adultis à Dei per Iesum Christum præveniente gratia sumendum esse, hoc est, ab eius vocazione, quâ nullis eorum existentibus meritis, vocantur.* Tum etiam ex ijs omnibus, quæ cap. 1. contra Pelagianos & Semipelagianos allata sunt.

Dicendum 2. hominem in statu peccati mortalis, non posse ullis bonis operibus de condigno mereri primam gratiam iustificantem; posse tamen de congruo.

Quod non possit de condigno, constat ex scriptura. Rom. 3. *Iustificati grâs per gratiam ipsius (id est Christi) quæ verba expendens Cone. Trid. fest. 6. cap. 8. Gratia, inquit, iustificari dicimur; quia nihil eorum, quæ iustificatione prececedunt, sive fides, sive opera, ipsam iustificationis gratiam promeretur (de condigno scilicet)*

Quod autem peccator, gratia actualis auxilio praeventus, possit de congruo primam gratiam sanctificantem promereri, constat ex scriptura: Dan. 4. vbi Propheta Nabuchodonosorem infidelem, & peccatorem allocutas, Peccatus, inquit, tua elemosynis redime: & ex S.

August.

August. epist. 89. q. 4. Si diues epulo pauperis viceret misericordiam & ipse misericordiam & ep. 105. iam alias
negat, neque inquit, ipsa remissio peccatorum sine aliquo merito est, si fides hanc impetrat, neque enim nullum est fidei meritum.

Dicendum 3. hominem in statu gratiae sanctificantis constitutum posse ipsius gratiae augmentum de condigno promereri. Ita S. Thom. q. 114. a. 8.

Probatur ex Conc. Triad. sess. 6. can. 32. ubi profert anathema in eum, qui dixerit, Hominem iustificatum bonis operibus, non vere mereri augmentum gratiae, quia illius verba de vero & propriè disto merito, quale est meritum de condigno, intelligenda sunt; non autem de congruo, quod non nisi improprie meritum dicitur.

Probatur præterea ex eo, quod eiusmodi iustorum bonis operibus nihil desit ad hoc, ut sint augmenti ipsius gratiae de condigno meritoria: sunt enim (ut supponamus) opera ex omni parte bona, liberè ab homine viatore, & iusto exercita, & præterea eiusmodi operibus gratiae augmentum Deus promisit S. Ioan. 14. Si diligite me, manda mea seruare. Et ego rogabo Patrem, & alium Paracletum dabit vobis: illis enim verbis, dum Spiritus Sanctus iustis promittitur, augmentum ipsius gratiae promitti intelligendum est, ut docet S. August. tract. 74. in S. Ioan. Restat, ut intelligamus Spiritum Sanctum habere illum, qui diligit, & diligendo mereri, ut plus habeat, & plus habendus diligit.

Dicendum 4. hominem iustum sibi reparationem post lapsum non posse de condigno promereri. Id constat ex ijs verbis Ezech. 18. Si auerterit se iustus a iustitia sua, & secerit iniquitatem, &c. omnes iusti & ceteros, quas fecerat, non recordabuntur. Ex quibus recte inferunt Theologi, omnia hominis iusti merita mortificari, & extingui per peccatum mortale superueniens; nemo autem meretur per opera, quia mortificata & extincta sunt. Præterea nusquam Deus promisit se quibusunque iusti operibus hanc concessurum gratiam, ut si iustus ille peccatum aliquod mortale committerat, ipsi tempus paenitendi, & gratiam effica-

ccim

cem à peccato resurgendi concedat; quæ tamen promissio necessaria esset ad hoc, ut de condigno illam promereri posset.

An autem id saltem de congruo mereri possit, valde dubium & incertum est; quamvis enim quidam Theologoi hoc afferant, alij tamen probabilius negare videntur (quia ut ex ante dictis patet) omnia prorsus merita hominis iusti per peccatum mortale, quod committit, extinguuntur; unde, quamdiu in statu illo peccati remaneat, nullum prorsus effectum habere possunt.

Dicendum 5. hominem iustum non posse de condigno finalem in statu gratia perseuerantium ullis operibus bonis promereri Ita S. Thom. supra art. 9. &c constat in primis, ex eo, quod dicit Apostolus omnes & quoscumque iustos alloquens Philipp. 2. *Cum metu & tremore salutem vestram operamini; metu autem illo, ac tremore amplius non indigeret, qui finalē perseuerantium de condigno semel meritus esset.* Constat præterea ex Conc. Trid. sess. 6. cap. 13. vbi dicit, neminem sibi certi aliquid absolutoriæ eertitudine circaperseuerantium suam posse polliceri: posset autem is, qui perseuerantium illam de condigno meritus esset. Constat denique ex eo, quod nulla in scripturis habetur Dei promissio, de dono perseuerantiae infallibiliter in ullius boni operis compensationem, tribuendo per modum mercedis, quin potius vetat nos de perseuerantia esse securos 1. Cor. 10. *Qui se existimat stare, videat, ne cadat: Apoc. 3. Tene, quod habes, ut nemo accipiat coronam tuam.*

Quæres, an saltem de congruo iustus finalē in gratia perseuerantiam mereri possit. Resp. affirmatiū: quia quamvis Deus illam tanquam alicuius operis mercedem non promiserit, est tamen eius infinita bonitati valde congruum, ut illam iusto humiliter, & obnoxie petenti tribuat: alias, si illius perseuerantiae donum iustus nullā ratione mereri posset, frustra pro illo impetrando Deum oraret; quare, cum saluberrimum sit, & consultissimum homini iusto quotidie donum perseuerantiae illius

finalis

finalis à Deo postulare; indicium est, quod possit illam a-
liquo pacto promereri, & impetrare; vnde S. August.
lib. de bono perseuer. c. 17. Restat, inquit, in his bonis usq;
in finem perseverantia, quae frustra quotidie à Deo poscitur, si
non eam Dominus per gratiam suam in illo, cuius orationem ex-
audit, operatur.

Dicendum 6. bona temporalia, quatenus ad vitam æ-
ternam consequendam necessaria sunt, cadere posse sub
meritum condignum hominis iusti. Ita S. Thom. suprà a.
10. & probatur ex eo, quod, qui potest mereri finem, po-
test etiam mereri media necessaria ad illum finem: atquæ
iustus salutem æternam de condigno mereri potest (vt
constat tum ex ante dictis, tum ex ijs, quæ seq^t. seq-
dissentur) ergo poterit etiam de condigno mereri bona
illa temporalia, quatenus sibi necessaria sunt ad vitam
æternam consequendam; id est, poterit mereri, vt Deus
speciali prouidentiâ ita disponat rerum exteriorum ordi-
nem, vt conatus viri iusti necessarius ad bona illa tempo-
ralia obtinenda suum effectum assequatur.

Hinc sequitur, bona temporalia non dari iustis secun-
dum proportionem, & quantitatem meritorum, sicut i-
psis tribuuntur bona spiritualia ipsius gratiæ, sed prout
magis vel minus ipsis conducent ad salutis æternæ conse-
cutionem; vnde fit, vt multi iusti relinquant in extre-
ma paupertate, alij è contra diuitijs afflant, alij in statu
quasi medio consistant, Deo pro sua prouidentia ita di-
spонente, prout vnicuiq; videt magis expedire ad salutē.

Quod si de ijs bonis temporalibus præcisè, & secun-
dum ic consideratis quæstio sit, dicendum est, illa non
cadere sub meritum de condigno, cum vt sic, vera bona
non sint, sed res indifferentes, quibus homo bene vel
male vt potest, ac proinde ad qua Christi gratia (qua est
omnis meriti principium) non ordinatur; posse ramea
cadere sub meritum de congruo, vnde S. August. passim
in lib. de ciuit. Dei dicit, Deum virtutes antiquorum
Romanorum varijs bonis temporalibus compensasse.

SE-

SECTIO VI.

An iustus de condigno mereri vitam aeternam possit.

Negant hæretici huius temporis; affirmant è contrario Catholici, quorum sententia, ut certissima & fide credenda, probatur 1. ex scriptura: S. Matthi*s*, Beati, qui persecutionem patiuntur propter iustitiam; quoniam ipsorum est regnum celorum. Et ibidem: Merces vestra copiosa est in celis: Rom. 2. Reddet unicuique secundum opera eius; si quidem, qui secundum patientiam boni operis, gloriam, & honorem, & incorruptionem, quarunt, vitam eternam.

Probatur 2. ex Concilio Tridentino sess. 6. cap. 16. vbi dicit vitam eternam tanquam mercedem ex ipsius Dei promissione bonis iustorum operibus, & meritis esse fideliter reddendam; & can. 32. anathema profertur in eum, qui dixerit, iustificatum bonis operibus non vere mereri vitam eternam, & ipsius vita eterna (si tamen in gratia decesserit) consecutionem, atque etiam gloriam agumentum.

Probatur 3. ex S. Basil. orat. in initium prouerbiorum: Omnes, inquit, qui vitam Evangelicam incedimus, mercatores sumus per opera mandatorum nobis possessionem caelestium comparantes; quibus verbis, cum dicat bona opera esse veluti pretium, quo gloria caelestis emitur, hinc sequitur, illa esse vere digna, quæ tali gloriâ compensentur, ac proinde illius de condigno meritoria. Et S. Aug. epist. 103. ad Sixtum, Sicut, inquit, merito peccati tanquam stipendum redditur mors, sic merito iustitiae tanquam stipendiis vita eterna.

Probatur denique ex eo, quod in bonis iustorum operibus reperiuntur omnes conditiones necessariae ad properandum de condigno vitam eternam: sunt enim opera libere ab homine iusto & viatore facta, & ex omni parte bona, ut supponimus, & talibus operibus Deus pro mercede vitam eternam pollicitus est, iuxta quod dicit Apol-

Apostolus 1. Timoth. 4. *Pietas ad omnia utilis est, promissio-
nem habens vita, que nunc est, & future: & Tit. 1. In spem
vita eterna, quam promisi, qui non mentitur, Deus.*

Obijcies, varijs in scripturæ locis dici gloriam æternam dandam esse iustis hominibus ex Dei misericordia; ergo non ex iustitia, nec proinde illam iusti de condigno merentur. Resp. illorum scripture locorum, quæ à S. Augustino diligenter expenduntur tum citata epist. 105. tum in lib. de corrept. & grat. cap. 13. duas asserti expositiones: una est, gloriam æternam ex diuina misericordia iustis tribui, non quod non sit vera merces meritorum, sed quia ipsa iustorum merita ex Dei misericordia, & gratia ortum ducent. Altera est, quia iusti ex hac vita decedentes semper diuinâ indigent misericordiâ, ut æternæ vitæ mercedem percipiant; nullus est enim adeò iustus, qui in multis non offendat, quique peccata venialia non committat, sine quibus (vt ait S. Aug.) nulli viuunt, & pauci vitam finiunt; unde diuinâ indigent misericordiâ, ut illorum remissionem percipiant, & sic ad æternæ vitæ fruitionem perueniant.

Addere possumus vitæ æternæ mercedem recte dici ex diuina dari misericordia, quia Deus (secundum communem Theologorum axioma) iustos semper remunerat supra condignum, & ipsius gloriæ cœlestis merces quocumque operum meritum longè exuperat; unde S. Bas. in illud Psalmi. 114. *Conuertere anōma mea in requiem tuam.* Proposita est, inquit, æterna requies iis, qui legitimè in hac vita decertarint, que non secundum operum debitum ac meritum retribuitur, sed iuxta magnificentiam Dei iis, qui in ipsum sperauerunt, exhibetur: & S. Fulgent. lib. 1. ad Monimum c. 10. rationem reddens, cur vita æterna dicatur gratia, cum sit merces meriti, dicit, id esse. *Quia non solum donis suis Deus dona sua reddit, sed etiam quia tantum ibi gratia diuinæ retributionis exuberat, ut incomparabiliter atque ineffabiliter opere meritum quantumvis bone & ex Deo data & humana voluntatis, atque operationis excedat.*

Quæres hic obiter, in quo consistat vita illa & beatitudine

do

do xterna, quam iusti bonis operibus promerentur. Pa
illius questionis resolutione

Dicendum 1. vitam illam & beatitudinem, eternam pro
prie, & formaliter consistere in actionibus intellectus si-
mul & voluntatis, quibus beati Deum, prout in se est, cla-
re vident, perfecte amant, illoque perfruuntur.

De actione intellectus constat ex scriptura. Psalm. 1.
Videbitur Deus decorum in Sion: 1. Ioann. 3. Videbimus eum
sicuti est 1. Cor. 13. Videmus nunc per speculum in anima eti: tunc
autem facie ad faciem. Item ex S. Ambr. lib. 2. offic. cap. 1.
Scriptura posuit vitam eternam in cognitione divinitatis: S.
Aug. lib. de Trinit. cap. 10. Christus tradet regnum Deo Pa-
tri, quando perducet credentes ad contemplationem Det, ubi est
finis omnium bonarum actionum.

De actione autem voluntatis, constat ex eadem scri-
ptura. Psal. 35. Inebriabuntur ab ubertate domus tua: & tor-
rente voluptatis tua potabis eos. S. Matth. 5. Beati, qui es-
uriunt & sitiunt iustitiam: quoniam ipsi saturabuntur; vera
autem satiitas propriè respicit appetitum, & volunta-
tem, & in cælesti beatitudine tantum reperitur: & in
hunc locum exponit S. Hier. Item ex S. Aug. lib. 1. de
Doct. Christ. c. 32. Summa hec est merces, ut fruamur Deo
& lib. 2. de ciuit. cap. 30. Ibi (in cælesti beatitudine scilicet) vacabimus, & usdeberimus, videbimus & amabimus; a-
mabimus & laudabimus: ecce quod erit in fine fine fine; nam
quis alius est noster finis, nisi peruenire ad regnum, cuius nulla
est finis? & S. Bern. epist. 28. Sicut in hac vita initiat fidei
desiderium, ita in alia consummat visio & amor.

Dicendum 2. ad complementum illius beatitudinis
pertinere quoque ipsius corporis resurrectionem & glo-
rificationem.

Et quidem, quod corpora sint resurrectura, constat ex
scriptura: Iob. 19. In nouissimo die de terra surrecturus sum;
& rursum circumdabor pelle meâ: 1. Cor. 15. Canet enim tuba,
& mortui resurgent incorrupti.

Quod autem iustorum corpora sint glorificanda, con-
stat ex eo, quod dicit Apostolus ibidem: Seminatur corpori
animali,

animate, surget corpus spiritale. Seminatur in corruptione, surget in incorruptione. Seminatur in ignobilitate, surget in gloria.

Porrò hæc corporum glorificatio in eo consistit, quod corpora rediuiua Sanctorum, insignia quædam & præclarata ornamenta gloriæ habitura sint, quæ communiter doles gloriæ vocantur; & quatuor præsertim à Doctribus enumerantur; scilicet impossibilitas, ratione cuius nullâ vñquam molestiâ aut dolore afficiuntur, vt dicitur Apoc. 21. Mors ultrâ non erit, neque luctus, neque clamor, neque dolor. Claritas, quâ luce quadam excellentissima radiabunt, S. Matth. 13. Fulgebunt iusti sicut sol: & Philipp. 3. Reformabit corpus humilitatis nostræ, configuratum corpori claritatis sua. Agilitas, quâ corpus ab onere, quo nunc premitur, liberabitur, & facillimè in quaecumque partem pro libito moueri ita poterit, vt eâ motione nihil celerius esse queat. Ita docet S. Aug. lib. 13. de ciuit. cap. 18. & 20. & lib. 22. c. 11. & S. Hier. in cap. 40. If. vnde ab Apostolo dicitur 1. Cor. 15. Seminatur in infirmitate, surget in virtute. Subtilitas denique, quâ fiet, vt corpus anima imperio perfectè, & omnimode subiiciatur, eiq; ad nutum præsto sit, quod ex suprà citatis Apostoli verbis colligitur; Seminatur corpus animale, surget spiritale, quæ quidem verba non sic intelligenda sunt, quod Sanctorum corpora in resurrectione futura sint ætherea, aut aërea, aut aera & spiritui similia; vt quidam olim arbitrati sunt, contra quos agit S. Hier. epist. 61. ad Pammachium; sed quia, quamvis corpora Beatorum verâ carne constent, vt ibidem probat, perfectæ subtilitatis dote prædicta erunt, per quam dotem perfectissimè spiritui subiicientur, ideoque corpus Sanctorum ab Apost. spiritale futurum esse dicitur.

Dicendum 3. præter supradicta beatitudinis dona, quæ omnibus Beatis (licet inæqualiter pro meritorum inæqualitate) communia erunt, tria insuper specialia gloriæ præmia quibusdam Sanctorum bonis operibus esse à Deo constituta, quæ communiter aureola vocantur, quasi parva corona aureæ; non quod simpliciter in se maximæ

Y.

noua

non sint, sed quod in comparatione ipsius essentialis beatitudinis sint exiguae. Haec autem tres aureola concedentur ob tres insigues victorias, quas iusti aliqui praetalijs in hac vita reportauerint; contra carnem quidem, per continetiam virginalem; contra mundum vero, sustinendo opprobria, & persecutions mundi usque ad mortem propter Deum; contra diabolum denique, per sapientiam & doctrinam, quam non tantum a se, sed etiam ab aliis ignorantiae, & infidelitatis tenebras, in his, quae ad salutem spectant, propulsauerint; Diabolus enim tenebrarum princeps dicitur, & continuo decipere, & in emotem homines mittere nititur. Et si haec tres aureola virginibus, Martyribus, & Doctoribus competit. Et de virginibus quidem specialis fit mentio Apoc. 14. ubi dicitur, quod iij, qui cum mulieribus non sunt coquiniati, sequuntur Agnum, quocunque ierit, & canticum nouum cantant, quod alij cantare non possunt. De Martyribus autem eiusdem lib. cap. 7. dicitur, quod iij, qui venerunt de magna tribulatione, & lauerunt stolas suas in sanguine Agni, amicti sunt stolis albis, & palmas in manibus gestant. De Doctoribus denique Daniel. 12. dicitur, quod, qui ad iustitiam erudiant multos, fulgebunt quasi stellae in perpetuas aeternitates; & S. Matth. 5. dicitur, quod is, qui fecerit & docuerit, magnus vocabitur in regno celorum.

Dicendum 4. beatum in fruitione gloriae aeternae semper mansurum, ac gloriam illam eius fore aeternam. Et de fide, constat ex eo, quod beatitudo illa passim in Evangelij, & calij sacrae Scripturae libris vocatur vita aeterna: etenim aeterna non esset, nec dici posset, si aliquando amissa esset. Eadem veritas definita est ab Ecclesia in 6. Synodo gener. in epist. Sophromij, quae act. trilecta, & actio 13. recepta & approbata est; & in Concil. Lateran. sub Innocentio 3. cap. firmiter; quare S. Aug. 1. b. 12. de ciuis. cap. 20. vocat turpem eorum stultitiam, qui putant Sanctorum beatitudinem aliquando esse defitaram.

SE

SECTIO VII.

*An unus posset alteri mereri primam gratiam,
& alia dona ad salutem necessaria.*

Questio intelligi debet de puro homine; certum est enim Christum Dominum potuisse ratione unionis hypotheticæ de condigno pro alijs mereri, & de facto nobis quascunque gratias fuisse promeritum, ut in tract. de Incarn. diximus. Intelligi etiam debet secundum legem Dei ordinariam, & posito rerum statu, qui nunc est; quia nihil repugnat, si Deus ita vellet, talen ac tantam gratiam puro homini concedi, ut accedente praesertim Dei pacto, & promissione, non tantum sibi, sed etiam alijs mereri aliquid de condigno posset.

Hac observatione præmisâ, pro questionis proposita resolutione dicendum 1. purum hominem nullam posse gratiam alteri de condigno promereri. Ita S. Th. q. 114. a. 6. probatur ex eo, quod dicitur 2. Cor. 5, & passim in alijs scripturarum locis, vnumquemque recepturum, prout egerit ipse, non alter pro eo; unde S. Hier. in cap. 25. S. Matth. *Vnuquisque, inquit, pro operibus suis mercedem accipiet:* & S. Aug. tractat. 102. in S. Ioann. explicans hæc Christi Domini verba: *Si quid petieritis Patrem in nomine meo, dabit vobis. Exaudiuntur, inquit, omnes Sancti pro seipsis, non autem pro omnibus exaudiuntur, vel amicis, vel inimicis suis, vel quibuslibet alijs; quia non utcunq; dictum est (dabit) sed dabit vobis.*

Dicendum 2. posse vnum alteri primam gratiam aliquæ dona de congruo mereri. Constat imprimis ex scriptura. Iob. 42. *Iob seruus meus orabit pro vobis; faciem eius suscipiam, ut non vobis imputetur stultitia:* S. Iacob. 5. *Orate pro inuicem, ut saluemini.* Constat deinde ex praxi vniuersitatis Ecclesiæ, in qua hæc pia consuetudo semper viguit, ut fideles pro inuicem orarent; unde S. Aug. serm. 90. de diversis c. 10. *Si martyr Stephanus non orasset, Ecclesia Paulum hodie non haberet.*

Est autem hic obseruandum, vnum alteri primam gratiam sanctificantem, aut illius augmentum nō aliter mereri etiam de congruo posse, nisi in quantum meretur illi gratias actuales, aut alia media, quibus ad illam gratiam aut eius augmentum disponatur, vt autem eiusmodi sequatur effectus, opus est, vt is, qui pro altero meretur, opus illud bonum, quo meretur, saltem interpretatiū referat ad hunc finem: requiritur etiam præterea, vt is, in cuius gratiam opus illud bonum dirigitur, nullum eius effectui obicem ponat.

Porrò cùm hoc meritum (sicut diximus) quādam solum congruentiā & conuenientiā, non verò vīlā Dei promissione innitatur, fieri etiam aliquando potest, vt effectum suum non consequatur, cùm possint esse aliæ rationes, ob quas magis conueniens sit, vt Deus bona illa non conferat, quæ vñus alteri impetrare ac promererit intendit; hinc apud Ierem. cap. 51. dicebat Deus: *Si sacerdos Moysē & Samuēl coram me, non est anima mea ad populum suum.*

Atque haec tenus de gratia diuina eiusq[ue] effectibus,
ad ipsius gratiæ omniumq[ue] eius effectuum
authoris, & largitoris maiorem gloriā.

F I N I S.